



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“ broj 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13, 89/16, 5/22 i 31/24) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08 i 5/22), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2022. GODINU HRVATSKE STRANKE PRAVA BIH (KOD 017)

Broj: 03-07-6-493/23
Sarajevo, 21.02.2025. godine

S A D R Ź A J

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole.....	4
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1 NALAZI.....	5
5.2 PREPORUKE	8

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatske stranke prava BiH za 2022. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2022. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, odredbama poglavlja 15 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2022. godinu, utvrđeno je da je Hrvatska stranka prava BiH (kod 017) prekršila odredbe člana 4. stav (1), člana 8. stav (1), člana 11. stav (1) i člana 12. Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Hrvatske stranke prava BiH za 2022. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2022. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2022. godinu, Hrvatska stranka prava BiH se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	3.000,00	4,82
7.	Prihodi iz budžeta (3-f)	59.300,68	95,18
8.	Prihodi od propagande (3-g)	0,00	0,00
I	Ukupni prihodi (1-8)	62.300,68	100,00
II	Ostali prihodi i drugo	0,00	0,00
	Izvori finansiranja (I+II)	62.300,68	100,00

U godišnjem finansijskom izvještaju za 2022. godinu Hrvatska stranka prava BiH je iskazala rashode u ukupnom iznosu od 53.366,44 KM.

2. PREDSTAVLJANJE POLITIČKE STRANKE

Naziv političke stranke je Hrvatska stranka prava BiH. Skraćeni naziv stranke je HSP BiH.

Hrvatska stranka prava BiH je registrovana kod Osnovnog suda u Širokom Brijegu Rješenjem broj: 064-0-F1-17-000001 od 29.07.2004. godine.

Sjedište političke stranke je u Ljubuškom, Fra Petra Bakule 2¹.

Lice ovlašteno za zastupanje stranke je Nikola Raguž, predsjednik stranke.

Lice ovlašteno za podnošenje finansijskih izvještaja za 2022. godinu je Marko Perić.

Prema podacima iz godišnjeg finansijskog izvještaja za 2022. godinu, Hrvatska stranka prava BiH nema niže organizacione dijelove.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Hrvatske stranke prava BiH za 2022. godinu i finansijski izvještaj za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2022. godine.

¹ Politička stranka je dana 10.07.2017. godine dostavila obavještenje o promjeni adrese. Nova adresa političke stranke je Stolac- Rivine bb.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona Bosne i Hercegovine. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka te da li je troškove izborne kampanje ostvarila u okviru zakonom utvrđenog limita.

Obim pregleda i kontrole finansijskog izvještaja Hrvatske stranke prava BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled i kontrolu godišnjih finansijskih izvještaja Hrvatske stranke prava BiH u periodu od 2005. do 2021. godinu, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja Hrvatske stranke prava BiH za 2021. godinu, izdat je Izvještaj o pregledu sa mišljenjem revizora, nalazima i preporukama stranci da svake godine donosi precizan i jasan program utroška sredstava i da finansijska sredstva osigurana za finansiranje političke stranke koristi u skladu sa programom i statutom za ostvarivanje ciljeva političke stranke, da vodi pravilne evidencije o primljenim priložima, da ne prima zabranjene priloge, da vodi poslovne knjige u skladu sa računovodstvenim propisima, odnosno da vodi pravilne evidencije o svojim prihodima, rashodima i obavezama, da u finansijskom izvještaju uključuje sve koristi ostvarene od aktivnosti udruženja koje je povezano sa političkom strankom i da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2022. godinu, utvrđeno je da Hrvatska stranka prava BiH nije ispoštovala preporuke.

5. NALAZI I PREPORUKE

5.1 NALAZI

a) Hrvatska stranka prava BiH nije postupila u skladu sa odredbama člana 4. stav (1) Zakona o finansiranju političkih stranaka².

Hrvatska stranka prava BiH je u godišnjem finansijskom izvještaju za 2022. godinu, iskazala rashode u ukupnom iznosu od 53.366,44 KM.

U Planu utroška sredstava za 2022. godinu, stranka je planirala ukupne rashode u iznosu 47.550,00 KM.

Uvidom u Plan utroška sredstava za 2022. godinu utvrđeno je da isti nije sačinjen na način kojim bi se obezbijedila transparentnost planiranog trošenja sredstava, kao i uporedba ostvarenih troškova sa planiranim.

Analizom Plana utroška sredstava za 2022. godinu i podataka iz godišnjeg finansijskog izvještaja za 2022. godinu, utvrđeno je da je stranka sredstva u iznosu od 19.308,41 KM ostvarila mimo plana utroška sredstava za 2022. godinu, i to:

² Finansijska sredstva iz člana 3. stav (1) Zakona o finansiranju političkih stranaka, politička stranka može koristiti isključivo za ostvarivanje ciljeva utvrđenim svojim programom i statutom.

- Stranka je ostvarila troškove kancelarijskog materijala u iznosu od 566,00 KM, troškove goriva i maziva u iznosu od 4.734,07 KM, troškove telefona (mobilni telefon) u iznosu od 895,16 KM, troškove usluga u iznosu od 42,50 KM, troškove neproizvodnih usluga u iznosu od 1.003,72 i troškove platnog prometa u iznosu od 756,82 KM, koje nije predvidjela planom utroška sredstava za 2022. godinu i
- Stranka je troškove reprezentacije planirala u iznosu od 4.200,00 KM, troškove knjigovodstvenih usluga u iznosu od 1.950,00 KM, date donacije u iznosu od 7.000,00 KM i troškove promidžbe u iznosu od 10.000,00 KM. U godišnjem finansijskom izvještaju stranka je iskazala troškove reprezentacije u iznosu od 7.768,78 KM, troškove knjigovodstvenih usluga u iznosu od 1.975,61 KM, donacije pravnim licima u iznosu od 7.460,00 KM i troškove promidžbe u iznosu od 17.255,75 KM.

Hrvatska stranka prava BiH prekoračila je planirne troškove reprezentacije za 3.568,78 KM, troškove knjigovodstvenih usluga za 75,61 KM, date donacije za 768,78 KM i troškove promidžbe za 7.255,75 KM.

S obzirom da Hrvatska stranka prava BiH nije sačinila plan na način kojim bi se obezbijedila transparentnost planiranog trošenja sredstava, kao i uporedba ostvarenih troškova sa planiranim, te da je finansijska sredstva utrošila mimo utvrđenog programa utroška sredstava za 2022. godinu, prekršene su odredbe člana 4. stav (1) Zakona o finansiranju političkih stranka.

b) Hrvatska stranka prava BiH prekršila je odredbe člana 8. stav (1), člana 11. stav (1) i člana 12. Zakona o finansiranju političkih stranaka.

Pregledom godišnjeg finansijskog izvještaja, utvrđeno je da Hrvatska stranka prava BiH u poslovnim knjigama nije vodila pravilne i potpune evidencije o prihodima, rashodima i obavezama i nije popunila obrasce godišnjeg finansijskog izvještaja za 2022. godinu u skladu sa odredbama Pravilnika o godišnjim finansijskim izvještajima političkih stranaka (u daljem tekstu: Pravilnik), čime je prekršila odredbe člana 11. stav (1) i člana 12. Zakona o finansiranju političkih stranaka.

- (1) U obrascu 1.1 (Opći podaci o političkoj stranci-teritorijalna organizacija političke stranke) godišnjeg finansijskog izvještaja stranka je iskazala Središnji ured.

Pregledom godišnjeg finansijskog izvještaja, utvrđeno je da je stranka koristila poslovne prostore u Ljubuškom i Stocu, kao i da je ostvarila prihode iz budžeta Hercegovačko-neretvanskog i Zapadno-hercegovačkog kantona, te iz budžeta gradova i općina Široki Brijeg, Orašje, Odžak, Posušje, Grude, Stolac i Novi Travnik što ukazuje da je imala i niže nivoe organizovanja.

Hrvatska stranka prava BiH u obrascu 1.1 nije navela podatke o svim organizacionim dijelovima, čime je prekršila odredbe člana 10. Pravilnika.

- (2) Hrvatska stranka prava BiH u godišnjem finansijskom izvještaju nije pravilno iskazala podatke o prihodima, čime je prekršila odredbe člana 13., člana 15. i člana 19. Pravilnika.

U obrascu 3-f (prihodi iz budžeta) stranka je iskazala prihode iz budžeta u ukupnom iznosu od 59.300,68 KM, i to iz bužeta: Federacije BiH u iznosu od 27.531,00 KM, Hercegovačko-neretvanskog kantona u iznosu od 10.614,00 KM, gradova i općina: Široki Brijeg u iznosu od 2.300,00 KM, Orašje u iznosu od 5.624,04 KM, Odžak u iznosu od 1.314,00 KM, Posušje u iznosu od 3.000,00 KM, Grude u iznosu od 1.000,00 KM, Stolac u iznosu od 6.117,64 KM i Novi Travnik u iznosu od 1.800,00 KM.

- Uvidom u izvode sa transakcijskog računa i podatke koje su dostavili različiti nivoi vlasti, utvrđeno je da je Hrvatska stranka prava BiH ostvarila prihode iz budžeta različitih nivoa vlasti u iznosu od 54.141,86 KM, kako slijedi: Federacije BiH u iznosu od 23.031,00 KM, Hercegovačko-neretvanskog kantona u iznosu od 8.364,00 KM, Zapadno-hercegovačkog kantona u iznosu od 6.750,00 KM, gradova i općina: Široki Brijeg u iznosu od 2.000,00 KM, Orašje u iznosu od 5.624,04 KM, Odžak u iznosu od 1.314,00 KM, Posušje u iznosu od 3.000,00 KM i Grude u iznosu od 1.000,00 KM.

- Prema podacima koje je dostavila Općina Novi Travnik u toku 2022. godine iz budžeta ove općine na transakcijski račun Hrvatske stranke prava BiH (kod 017) isplaćena su sredstva u iznosu od 2.100,00 KM, a koja su budžetom općine planirana za Hrvatsku stranku prava BiH (kod 734). Općina Novi Travnik dostavila je i zahtjev predsjednika podružnice HSP Novi Travnik Zdenka Dominovića³ kojim se od Općine traži da se sredstva koja pripadaju HSP-u Bosne i Hercegovine Novi Travnik kao političkoj stranci koja ima vijećnika u Općinskom vijeću Novi Travnik ubuduće doznačuju na transakcijski račun broj: 15448002009137014 kod Intesa Sanpaolo banke d.d. Kontrolom je utvrđeno da navedeni transakcijski račun pripada Hrvatskoj stranci prava BiH (kod 017).

Isto tako, uvidom u podatke koje je dostavila Općina Stolac, utvrđeno je da su iz budžeta Općine Stolac na transakcijski račun Hrvatske stranke prava BiH (kod 017) isplaćena sredstva u iznosu od 3.058,82 KM koja su budžetom planirana za političku stranku HSP BiH (kod 734). Općina Stolac je dostavila i izjavu vijećnika Hrvatske stranke prava BiH (kod 734) Ivice Džakule u kojoj je navedeno da se sredstva uplaćuju na transakcijski račun Hrvatske stranke prava BiH (kod 017) broj: 15448002009137014 kod Intesa Sanpaolo banke d.d.

Imajući u vidu da se prihodom iz budžeta smatra prihod definisan članom 3. stav (1) tačka e) Zakona o finansiranju političkih stranaka, odnosno da se sredstva za rad raspodjeljuju na osnovu osvojenih mandata, a da je politička stranka primila sredstva koja su pripadala drugoj političkoj stranci, mišljenja smo da je Hrvatska stranka prava BiH (kod 017) sredstva u iznosu od 5.158,82 KM primila suprotno odredbama člana 8. stav (1) tačka a) Zakona o finansiranju političkih stranaka.

- (3) U obrascu 3-e (Nenovčane donacije i računi koje politička stranka nije imala obavezu platiti) godišnjeg finansijskog izvještaja stranka nije navela tačne podatke o donatoru, čime je prekršila odredbe člana 18. Pravilnika.

Stranka je u obrascu 3-e navela nenovčanu donaciju fizičkog lica Zdravko Hrkač u vidu zakupa poslovnog prostora bez naknade u iznosu od 3.000,00 KM.

Uvidom u Izjavu o korištenju poslovnog prostora⁴, utvrđeno je da vlasnik poslovnog prostora Zdravko Hrčić iz Ljubuškog daje Hrvatskoj stranci prava BiH poslovni prostor na korištenje bez naknade.

- (4) Hrvatska stranka prava BiH nije uspostavila potpune i tačne evidencije o rashodima i obavezama stranke, te iste nije pravilno iskazala u godišnjem finansijskom izvještaju, čime je prekršila odredbe člana 21., 22. i 24. Pravilnika. Takođe, stranka je sve troškove u godišnjem finansijskom izvještaju iskazala kao troškove Središnjeg ureda, čime je prekršila i odredbe člana 7. stav (2)⁵ Pravilnika.

- Hrvatska stranka prava BiH je u poslovnim knjigama i godišnjem finansijskom izvještaju iskazala troškove mobilnog telefona u iznosu od 895,16 KM. Uvidom u analitičku karticu i dostavljene račune utvrđeno je da je stranka u 2022. godini evidentirala troškove mobilnih telefona iz novembra 2021. godine u iznosu od 80,80 KM i decembra 2021. godine u iznosu od 66,90 KM. Takođe je utvrđeno da stranka nije u svojim poslovnim knjigama i godišnjem finansijskom izvještaju iskazala troškove telefona za novembar i decembar 2022. godine.
- Na zahtjev Centralne izborne komisije Bosne i Hercegovine za dostavljanje računa za gorivo, stranka je dostavila fiskalne račune za gorivo eurodizel, dobavljača „Holdina“ d.o.o. Sarajevo br. 20209 od 02.11.2022. godine u iznosu od 232,03 KM, br. 31995 od 17.11.2022. godine u iznosu od 175,99 KM i br. 27448 od 28.11.2022. godine u iznosu od 176,02 KM koji nisu evidentirani u poslovnim knjigama.

³ Zahtjev za prijenos sredstava na novi transakcijski račun broj 01-01/2022 od 16.05.2022. godine.

⁴ Izjava o korištenju poslovnog prostora broj: 08-07/19 od 07.01.2019. godine.

⁵ Finansijski izvještaj na nivou stranke podnosi se na obrascima 1, 1.1, 2, 2.1, 3, 3-f, 3-g, 4, 4.2. i 5, a za organizacione dijelove stranke na ostalim obrascima navedenim u članu 5. ovog pravilnika, i to posebno za svaki organizacioni dio političke stranke.

Navedeno ukazuje da stranka nema pravilne i potpune evidencije o svojim rashodima i obavezama, te da u godišnjem finansijskom izvještaju nije iskazala sve obaveze na dan 31.12.2022. godine, čime je prekršila odredbe člana 24. Pravilnika.

- (5) Uvidom u fiskalne račune dobavljača: „Jerković“ d.o.o. Mostar, broj: 10421 od 10.01.2022 godine u iznosu od 252,00 KM, „Silver trend“ d.o.o. Mostar broj: 3392 od 04.08.2022. godine u iznosu od 272,00 KM i „Bingo“ d.o.o. export-import Tuzla broj: 147558 od 19.04.2022. godine u iznosu od 130,80 KM, utvrđeno je da je stranka kupila torbu, sat „Trussardi“, usisivač i dva odvijajača. Takođe, utvrđeno je da računi nisu potpisani od strane lica koja su u ime stranke preuzela navedene proizvode od dobavljača, niti su ovjereni za knjiženje i plaćanje. Isto tako, a na osnovu dostupne dokumentacije, nije utvrđeno ko je njihov korisnik.

Stranka je suprotno računovodstvenim propisima, nabavku navedenih proizvoda evidentirala na kontu ostalih usluga, čime je izbjegla vođenje evidencije o svojim materijalnim sredstvima.

Na osnovu navedenog, nije moguće utvrditi u koju svrhu su utrošena finansijska sredstva stranke.

- (6) Politička stranka je u skladu sa odredbom iz člana 12. stav (2) Zakona o finansiranju političkih stranaka⁶ imala obavezu da u godišnji finansijski izvještaj uključi koristi koje je ostvarila od aktivnosti udruženja „Hrvatski narodni sabor Bosne i Hercegovine“, kao njegova članica⁷.

c) Politička stranka troškove izborne kampanje nije plaćala sa posebnog računa za finansiranje izborne kampanje, što je suprotno odredbama Uputstva o postupku otvaranja i korištenja posebnog računa za finansiranje izborne kampanje („Službeni glasnik BiH“ broj 5/22 i 27/22).

Kao transakcijski račun koji je, u skladu sa odredbama člana 4.4 stav (1) Izbornog zakona BiH, bila obavezna otvoriti i namjenski koristiti za finansiranje izborne kampanje, stranka je prijavila transakcijski račun broj: 1544802010409072 kod Intesa Sanpaolo banke d.d.

Uvidom u izvode sa posebnog računa za finansiranje izborne kampanje, utvrđeno je da politička stranka isti nije koristila za plaćanje troškova izborne kampanje.

Stranka je troškove izborne kampanje, koje je u godišnjem finansijskom izvještaju iskazala u iznosu od 17.255,75 KM, platila sa glavnog računa.

Troškovi kampanje

Prema odredbama člana 15.10 Izbornog zakona Bosne i Hercegovine, politička stranka za potrebe izborne kampanje ne smije potrošiti više od 0,30 odnosno 0,20 KM⁸ po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, na osnovu broja birača, dozvoljeni troškovi kampanje za Hrvatsku stranku prava BiH su iznosili 36.100,00 KM.

Hrvatska stranka prava BiH u godišnjem finansijskom izvještaju, koji je podnijela Centralnoj izbornoj komisiji BiH, u svrhu izborne kampanje je iskazala troškove u iznosu od 17.255,75 KM.

5.2 PREPORUKE

Preporučuje se političkoj stranci Hrvatska stranka prava BiH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

⁶ Politička stranka obavezna je u svom izvještaju uključiti sve koristi ostvarene od aktivnosti subjekata koji su na bilo koji način povezani sa političkim strankama ili su pod njenom kontrolom.

⁷ Hrvatski narodni sabor Bosne i Hercegovine kao udruženje promovira političke stranke i njene članove, učestvuje u provođenju izborne kampanje i kreira programe koji su bitni samo političkim strankama, članicama ovog udruženja.

⁸ Član 15.10 stav 2. Izbornog zakona Bosne i Hercegovine propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednika RS, odnosno 20 feninga za izbore za članove kantonalnih skupština.

- *da svake godine donosi precizan i jasan program utroška sredstava i da finansijska sredstva osigurana za finansiranje političke stranke koristi u skladu sa programom i statutom za ostvarivanje ciljeva političke stranke,*
- *da se ne finansira iz zabranjenih izvora,*
- *da vodi poslovne knjige u skladu sa računovodstvenim propisima, odnosno da vodi pravilne i potpune evidencije o svojim prihodima, rashodima i obavezama,*
- *da u finansijski izvještaj uključi sve koristi ostvarene od aktivnosti udruženja koje je povezano sa političkom strankom,*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i*
- *da postupa u skladu i sa drugim podzakonskim aktima koje donosi Centralna izborna komisija Bosne i Hercegovine.*

KOMENTAR:

U ostavljenom roku, Hrvatska stranka prava BiH nije dostavila primjedbe na mišljenje revizora i nalaze revizije date u Preliminarnom izvještaju o pregledu godišnjeg finansijskog izvještaja za 2022. godinu.

Šef Odsjeka za revizijske poslove

Sanja Tošović

Revizor

Tanja Golijanin

Šef Službe za reviziju

Mr.sc Hasida Gušić